

西南史地文獻

第十八卷

中國西南文獻叢書

中國西南文獻叢書
第十八卷

中國西南文獻叢書·第三輯

西南史地文獻

第十八卷



本卷目錄

雲南首義擁護共和始末記

〔民國〕庾恩林撰

.....

—

【民國】庾恩炘 撰

雲南首義擁護共和始末記

《雲南首義擁護共和始末記》，民國庾恩沐撰。恩沐字楓漁，墨江人。本書據民國初年鉛印本爲底本影印，卷首有黎元洪、唐繼堯、章炳麟等序。原書尺寸二十點六乘十三點五厘米，版心尺寸十八點二乘十一點四厘米。

雲南倡義始末記序

國家之興何恃乎恃乎一二豪傑之精神所激蕩而已當夫禍亂方興天地晦盲八區氛塞公義不昌而天理幾乎其滅雖有正人端士亦唯深瞶太息束手而無如何使非閔穀非常之君子犯百難出萬死不顧一生之計挺身以為之倡則蚩蚩之民幾何不相率以俱盡邪是故亂之方亟旁皇轉側而無以自主及乎事定乃相與歡欣蹈舞若不知所以致之者此皆庸眾之恆情而非天下之所重賴者也使舉世滔滔皆不出於庸眾之所為則世變將無已時而治化亦無由以階進矣於是乃知豪

傑之士屹立乎危疑震撼之衝百變不搖而轉移一世之風會者其人才為可貴也方帝制議興國本既搖舉國之大幾無所以自全之地蔡唐諸君子奮身挺出力扶大義嶽嶽不撓全國嚮風而國脉乃斷而復延人命危而復續懿歟休哉洵不世之勛不可磨滅者已雖然撥亂世而反之正其予人以可見者特其氣魄之雄偉功名之赫著耳至於當局者經營慘淡之苦心先事之規畫當事之奮發事後之收束其艱難曲折以赴機宜得以坐收全功而無意外之蹉跌者蓋不知幾經展轉幾經困難而始達此鞏固安全之鵠的也使無鴻篇偉製以紀載之則

何以昭示來禩以為興起觀感之資乎顧所託非人則亦無以稱成功而傳後世今庾君楓漁躬在行間始終其事採簡執筆自無傳聞影響之談而是編挈鴻貫纖備綜本末尤見體裁之善作者據之足為信史矣吾嘗病改革以來開中國數千年未有之新局其關係絕大而楮墨流傳曾無詳確可據之冊異日人往風微恐益將散漫而不可攷此誠今日所當汲汲圖者是編亦其一也且夫述往事詒來者豈獨重前人之風烈而惜其不傳歟固將舉已往之成迹貽之後嗣俾考鑑得失而益謀進化之基也民國肇造僅六載而兵革之禍屢興未已今秩序雖

猶定而政治之闕憾猶多太平康樂之觀未知何日此誠吾人
痛心之事瞻念前蹤願讀者之哀矜而勿喜也是為序
中華民國六年四月黎元洪譔

雲南首義擁護共和始末記序

繼堯夙嗜陽明先生之學東游日本見其名將戰略無不得力於陽明因益決心以良知為體以知行合一為用而勉勉於立身報國胥是道也辛亥改革繼堯在滇舉義繼堯黔省無非本良知之體以求達救國之目的及共和之告成繼堯外觀時變內察國情力助中央俾得展布政策亦無非本良知之體以求達救國之目的也乃不意天禍中國項城不道當未發生帝制之時其用行政已不能協我良知之評判及其發生帝制之後訴之良知尤恨其庸人自擾遠之則訊問海內之同志近之則體察滇中之各界類皆極端贊同振臂一呼四方響應今日

幸復還共和皆由於外交之敏活文字之鼓吹將士之效命左右之臂助父老之竭誠盡力各得其心之所同然各竭其力之所當然而繼堯曾何功之可言耶雖然茲事體大其苦心焦思經營擘畫雖非筆楮所能罄特亦不可無筆楮以記之此吾友楓漁所以有首義始末記之作也楓漁與繼堯共事最久而今之首義宣力尤多值痛定思痛之時而竊有憂危警惕之意繼堯讀之知其語語皆實事事皆確傳之海內可以攷見茲事之真相而繼堯則實無功之可言雖編中有稱許之語固惶惶然而不敢自居者也是為序

民國六年二月會澤唐繼堯序

雲南首義擁護共和始末記序

雲南諸將既為唐督軍事略又推次戰功為始末記七章存大事也自武昌倡義蕩覆逆胡功冠諸夏而其事黯習無傳書先是因盟會之迹亦仿是也元凶僭位惡革命為佗人功務摧滅之其事益沒難理今雲南獨有傳述斯豈非君子之所樂聞哉凡事多成于難知而敗于可覩往者江濱諸部南暨閩廣非不挺進與袁氏爭明也地裸露而謀易泄是以得為備豫雲南之域山有點蒼聳雪之峻川有金沙闢倉之限封守險阻地方廣運而去宛平絕遠藏兵九地之下則巨姦無所覘伺故能慎固經畫蹶起有功比績武昌號曰中興焉威稜既著而人知所忌憚其備雲南又不緩于江濱閩廣也當雲南初倡義時宣言退黜袁氏及誅帝制首惡十九人袁氏已賄而逆謀者不懲輕材瑣生拘牽小文以撓大法軍務院既罷政

府偽逮首惡八人先縱之去其餘或任史事如故竟不能如雲南言功雖顯赫終未就成也而諸首惡惡其害已日夜浸臬當事為不可知之謀由是觀之廢興之際易險之幾固難言之矣處危道者非可以孫言解忌以供奉交歡也又非能以辟穀種菁之術自晦也獨有明是非定逆順為無瑕以視天下信順立而後其德不孤是故史傳紀載與兵符同功章炳麟曰吾觀舊史多矣蓋唐世有張柬之者嘗為姚州司馬則雲南史也輔唐中興而不決於武氏餘孽終以自害乃者紬其列傳猶使人怵怵心悸余願後之讀是記者毋以張柬之傳連類而觀之也

民國六年二月章炳麟序

雲南首義擁護共和始末記弁言

墨江楓渙纂唐會澤大事記既刊行于世，後有雲南首義擁護共和始末記之作，繼續板行。是二書者，同其綱要，異其詳略。蓋著書之體例，宜然也。始末一記，序述加詳，而于文告、函電、章程之類，擇要附載，尤為賅備。於事則徵信，而非夸于文，則有條而不紊。世有欲攷知雲南倡義之主張，共和恢復之成績，與夫智耆贊謀，勇士戮力，海內外商旅人民，輸贊助餉，赴義若渴者，吾知必合二書觀之，而尤以是書為總匯矣。若夫楓渙載筆之深衷，則固非觀博鉛槧之虛名，留戀雪鴻之陳跡也。誠以境遷事過，而國是模糊，民生凋敝，強隣環伺，遺孽潛滋，大局猶搖禍。

吾無日異倖我神州黃族披覽是書其躬與於斯役者無忘在
莒其懷挾野心者可寢陰謀既違意外之變端豫立先幾之畢
脩朝野上下破私捐黨併心壹力以庶幾謀共和之永固焉斯
楓漁作書之旨言外之意余樂為揭之首簡以告國人云
丁巳春日石禪老人趙藩謨

雲南首義擁護共和始末記序

古今紀載之書每多傳聞異辭，摭實甚至毫釐之差，有千里之謬。閱世滋久，謬種流傳，愈無由得其真相，吁可慨也。是編為雲南軍署參謀長庾君澤普所記，並插畫百有餘幅，經滇督軍審定刊行。言皆有據，俾讀者如躬履行間，身親其事，於是非成敗之迹曲折原委，纖細畢具，以餉國人其用心可謂勤矣。當袁氏帝制自為，其氣之薰灼熾熾，凌轢震盪，勃焉而不可遏。天下人之力皆將為所屈，迺滇以貧瘠邊鄙，起與之角，寡固不可以敵眾，弱固不可以敵強也。卒能推滅暴彊，申張大義，此以見力取者之終窮，而人心之不可以侮也。然返觀二年以還，其厲行頗制排斥，異己積威之漸，使人皆側目，重足而莫之敢議，方謂民氣之枯亡至是盡矣。而孰知一旦勃發而不

可遏彼尸居之餘曾不足以當一擊哉是知物極必返唯正義之在天下終不敝也嗟夫陰陽消長之理進退存亡之義莫備於易恆以時運為之變化而辭亦因之屢遷至所謂道者則無往而不著在乾之上九曰元龍有悔袁氏之謂也在坤有云利牝馬之貞先迷後得主利西南得朋東北喪朋其即雲南首義之象歟雖然同類相殘在仁者未嘗不疚於心也矧今內憂外患如水益深如火益熱安可以自矜耶語云前事不忘後世之師也願全國上下懸為殷鑒從此一志同心推誠相與平政局而消隱患以言國利民福其庶幾乎

民國六年四月九日騰衝李根源敘於陝西省長公署古音聲樹之西園